

Oqaluuserisassanut nassuiaat
(Inatsisartut Siulittaasuat)

UKIU2021-mi oqaluuserisassat aalajangersarneqaramilli marlussunnik allannguuteqarput.

Immikkoortut 61, 124 aamma 128 siunnersuuteqartunit tunuartinneqarput.

Immikkoortut tassaapput:

Immikkoortoq 61: Pujortartartut amerlassusaasa qanoq ikilisissinnaanerannut apeqquteqaat aallaavigalugu oqallisissatut siunnersuut.

Immikkoortoq 124: Aalisarnermut akuersissutinik pisassiissutinillu tunniussisoqalertinnagu aalisarnerullu iluani kiffartuussinissamut isumaqatigiissuteqarnissaq pitinnagu akiligassaareersunik pisortanut akiitsorilersimasanut qularnaveeqqusiisimangikkaanni pisortanut akiitsut 100.000 koruuninit amerlanerunnginnissaannik qinnuteqartumut piunasaqaateqalernissaq pillugu apeqquteqaat aallaavigalugu oqallinnissamik siunnersuut.

Immikkoortoq 128: Meeqqat, inuusuttut inersimasullu akornanni naqinnernik ilisarinnissinnaangitsut aamma atuarnermik allanermillu ajornartorsiuteqartut pillugit nuna tamakkerlugu iliuusissanik pilersaarusiornissamut Naalakkersuisut peqquneqarnissaannik Inatsisartut aalajangiiffigisassaattut siunnersuut.

Inatsisartut manna ataatsimiinneranni immikkoortumik allamik ilanngussinissaq Inuit Ataqatigiit, Demokraatit, Partii Naleqqap Atassutillu Siulittaasoqarfimmut qinnutigaat. Immikkoortoq ilanngunneqarpoq 18-imillu normulerneqarluni:

Immikkoortoq 18: Uunga siunnersuut: Inatsisartunut immikkut ittumik qinersineq pillugu Inatsisartut inatsisaat nr. xx. xx.xx 2021-meersoq.

Immikkoortoq ullumi ataatsimiinnermi siullermiigassanngorlugu, aappassaaniigassanngorlugu pingajussaaniigassanngorlugu oqaluuserisassanut siulliullugu ilanngunneqarpoq.

Ilaasortat sisamat suli tikinngitsut taasisarneq pillugu isumaqatigiissuteqarput:

Anders Olsen, Siumut aamma Simigaq heilmann, Demokraatit

Stine Egede, Inuit Ataqatigiit aamma Aleqa Hammond, Nunatta Qitornai

Mariane Paviasen, Inuit Ataqatigiit aamma Jens Danielsen, Siumut

Taamaalillunga oqaluuserisassat akuerineqartutut isigaakka immikkoortorlu 18 aallartissinnaavarput.

UKIU 2020/2

J. nr. 21UKIU/01.25.01-2